

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

Cap. I. Contradictiones duodecim Illyrici detegit.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

CAPVT PRIMVM.

Complectitur contradictiones Illyrici.

GITVR NOSTER ILLYRICVS (VT OR-
diamur ab eo quod primo loco propositū est)
pro sua grauitate & constantia in afferendis
sententiis, non tam quid sit in re considerare
solet, quām quid proposito suo maximē deser-
uat. Itaque si affirmare aliquid, cause quam defendit vtile est,
confidenter affirmat; si rursus illud ipsum negare, rei suæ
conducere putat, audacter negat; parum omnino laborans,
cohæréantne scripta sua inter se, an secum ipsa pugnant, & v-
tum vnum alteri opem ferat, an potius, tanquam in bello
sociali, vnum euertatur ab altero.

I. In libro quem nuper edidit de translatione Imperij, pas-
sim figmentum, & fabulas appellat, quod vulgo creditur, Im-
perium Romanum translatum à Græcis ad Germanos Sum-
mi Pontificis auctoritate. Atque ut aliquem certum locum
notemus, titulus secundæ partis primi capituli hic est: *Quod
non sit facta per Papas Imperij translatio à Gracis ad Germa-
nos.*

Sed nimirum cùm hæc scribebat, oblitus erat quid paulò
ante scripsisset. Nam in libro contra Primatum Papæ penè
extremo notas Antichristi explicans, quinto loco hanc ponit
de translatione Imperij, & quidem his verbis: *Antichristus
apparet cùm Romani regni defectio fiet, & reddet Romanis
libertatem, sub suo tamen nomine: hoc accidit ante annos
DCC, cùm Romanum Imperium ruebat, & à Papa non tam
quam Cesare dictatore, consule, aut senatore, sed & à Papa
Romano nonnihil instauratum est: tunc enim Papa suam po-
tentiam & impietatem propagavit. Sic Apocal. 13. lœsa bestia
ab alia simili agni bestia honoratur.] Nec solùm in eo libro,
sed etiam in Centuriis idem affirmat Illyricus. Sic enim scri-
bit Cent. 8. cap. 10. col. 751. *Atque ita Imperium Romanum ad
Carolum, & Francos (Leo III.) transtulit, & tamen sibi re-
seruant ius Francis imperandi. atq[ue] hinc factum est deinceps.**

Et qui Imperij sceptrum acciperent, à Pontifice inaugu-
tur; estq[ue] hac translatione principum ex miraculis Antichristi,
Apoc. 13. & 17.] Quid h[ic] Illyrice eliges? si transtulit Romanus
Pontifex Imperium in Francos, totus liber tuus de transla-
tione Imperij corruit: si non transtulit, corrunt pars non
exiguæ tum ex libro tuo contra Primum, tum ex Hilona-
rum tuarum Centuriis. Imo verò, siue transtulit Papa Roma-
nus Imperium in Francos, siue non transtulit, corruit liber
tuus de translatione Imperij. Siquidem Papam esse Antichris-
tim, ex verbo Dei efficacissima ducra ratione demonstra-
te putas in locis paulo antè citatis, quia videlicet Papam
Imperium Occidentale instaurauit, curauit ut tu quidem
interpretaris) plagam bestiæ, quod est miraculum, & noua-
cipua Antichristi, Apoc. 13. & 17. Igitur in libro de transla-
tione Imperij dum contendis tam acriter, non esse Papam au-
ctorem Occidentalis Imperij; quid aliud contendis, quam id
efficere, vt credamus falsam esse tuam illam demonstra-
tionem qua ex verbo Dei probare volebas, Papam esse Antichris-
tim? & tamen in hoc ipso libro, tertio quoque verbo repens
Papam esse Antichristum, in quo tu ipse tuam præcipuum
demonstrationem labefactas, qua effici credebas, Papam el-
se Antichristum. Sed pergamus ad cætera.

II In hoc ipso libro de translatione Imperij in epistola de-
 dicatoria affirmat Illyricus ius in Imperium Romanum Ger-
 manos adeptos esse ante annos M. D. cùm videlicet Arminio
 duce duas Aquilas Romanis eripuerunt; atque in huius re-
 gnū bicipitem Aquilam Germanos Imperatores in insigni-
 bus suis præferre. Huc, inquit, referre posbis, quod ē mox pri-
 Iulium, sub Augusto Germani duas Aquilas Romanis in ful-
 simo bello abstulerunt.] Et infra: Quandounque igitur voleret
Romanus sacrificus, aliiq[ue] Imperij amuli, cognoscere Germanorū
monarchia originem, ac ius, intueantur modo, accep-
templentur eius glorioſa insignia bicipitem Aquilam offen-
tantia; ē mox ea illos de origine iureq[ue] suo abunde edebut;
ac vel in uitios conuincet.] Hæc ille. Sed hæc somnia, que nos
infra cap. 6. refutabimus, refellit etiam ipse idē Illyricus cùm
ita loquitur Centur. 9. cap. 16. col. 621. Aquila Romana in du-
capita statim in initio huius faculi (quod est ab anno DCCC.) diuisa est. Nam Carolus Magnus à Leone Pa-

ifice cum consensu Senatus & Populi Romani Imperator
Occidentis solenni ritu inauguratur anno Domini DCCC. I.]
Quomodo, queso, ista cohærent, vt ante annos M.D. cœpe-
rit Aquila biceps, & ius, atque origo Imperij Germanici; &
tamen Aquila Romana anno D C C C. I. id est, ante annos
DCC. diuisa primūm fuerit, cùm Carolus Magnus à Leone
Pontifice Imperator Occidentis priūnus inauguratus est?
III. Rursum in libro de translatione Imperij, cap. I. pag. 9.
Andet (inquit Illyricus) Gelasius Papa ad Anastasium Impe-
torem scribens, 15. q. 6. can. Alius, affirmare Zachariam Pa-
pam deposuisse Hildericum Regem Francorum, & transtu-
isse regnum in Pipinum Caroli patrem.] Et infrā: Tale mé-
dacidum ausus est Papa configere, & Gratianus suæ rapsodie
Decretorum inserere.] Hæc ibi. At in Historia longè aliter.
Sic enim scribit Cent. 8. cap. 10. colum. 706. Pipino Zacharias
Papa tegnum Francorum dedit, idque ei tutum præstítit de-
posito, & in monachū consecrato Carolomanno fratre eius,
& Hildericu Rege priore.] Poteratne clariū secum pugna-
re, & vno in loco destruere quod in alio affirmauit?
IV. In libro eodem de translatione Imperij, cap. I. pag. 12.
affirmat Illyricus Summos Pontifices quondam seruos &
mancipia fuisse Caroli; nunc è contrario à Summis Pontifi-
cibus adigi Cæsares ad turpissima pedum oscula. Quàm fœ-
da, inquit, est ista vanitas, quòd Papistæ fingunt, illos seruos
& mancipia Caroli Imperium Romanum in Carolum tran-
stulisse, eumque sibi vt vasallum quendam dato feudo obli-
gasce; vt nūc arctissimis iuramentis Cæsares sibi obstringunt,
& etiam ad turpissima pedum oscula adigunt.] Sed audi rur-
sum eiusdem Illyrici verba ex Centur. 8. cap. 10. col. 724. Pipi-
nus, inquit, & Carolus filius eius, in terram prostrati, pedes
eius (Stephani Papæ) osculati sunt, & stapedes eius apprehé-
derunt, & frænum equi illius tenentes, stratoris officia ei præ-
sisterunt.] Quid hīc dices Illyrice? Si Papa mancipium erat
Caroli, quū factum est, vt non Papa Caroli, sed Carolus Papæ
stapedes apprehenderit, & stratoris officium ei præstiterit? Et
si nūc primūm cœpit Papa Principes adigere ad oscula pe-
dum, quo pacto ante annos propè DCCC. Pipinus & Caro-
lus hīni strati, Pontificis pedes, nullo cogente, nisi Dei metu
ac reuerentia, Christi Vicario debita, osculabantur?

V. Ea-

V. Eadem pag. 12. in libro de translatione Imperij inscribit Illyricus: Testantur quoq; omnes Historici, etiam, qui Papis sunt addictissimi, Leonem Papam mox ut electus fuit in Papam, misisse ad Carolum Magnū legationem vnam clauibus sancti Petri, quod est Papale insigne, & vexillis Romæ cum Aquilis, petiisseque iuxta Synodus Admīftrationem sui, & vt aliquis mitteretur qui Romanos cum Carolo denudū iuramento adstringeret; quod fuit extremitatis indicium.] Hæc ibi. In Centuriis cōtrarium legimus, nimirum petiisse Leonem ut aliqui à Carolo mitterentur qui Romanos non Carolo, sed ipsi Papæ iuramento adstringerent: sic enim legimus Cent. 8. cap. 10. col. 750. Legatus ergo in scio senatu cum muneribus ad Carolum mitit, eaque clavis claves, insigne Pontificia dignitatis, & vexillum vobis Romæ, seu Aquilam signum Imperij Romani offert, sequitur urbem Romam eius fidei commēdat, ac postulat ut suos Romanos ableget, qui populum Romanum ad suam fidem aqua subiectionem Sacramento firmarent: iuxta annales Francorum.] Quæ verba alij (hoc est, Illyricus idem in alio loco) intelligunt, quod iussit Romanos Francis fidem iurare, sed non tam facilè esset imperatum. Quare verisimilius est, quod petierit Romanos eò adigi, ut Pontifici iuramentum p̄t̄starent. Quare Engelbertus, vel Agilbertus, Abbas sancti Richarij, iussu Caroli compulit Romanum populum fidicatem iurare Pontifici.

VI. Pag. 22. Italiam ab Odoacre occupatam affirmat Leone Bessicano Imperatore. At Cent. 5. cap. 16. col. 1526. scribit id accidisse sub Zenone, qui post Leonem iuniorem Leonem seniori, id est, Bessicano successit.

VII. Pag. 26. & sequentibus, Theodoricum Ostrogothum, Imperatorem Romanorum & Augustum, ac purpura Calrea ornatum fuisse susc̄it docet, ac multis testimonis confimat. At Cent. 6. cap. 16. col. 840. disertis verbis dicit, Theodoricum eundem nec nomen nec insignia Imperatorum Romanorum vñquam habuisse.

VIII. Pag. 49. Carolo Magno Imperium Occidentis donatum fuisse scribit ab Irene, antequam idem Carolus a Leone coronaretur. At Cent. 9. cap. 16. col. 621. scribit Gracius in Imperium Caroli quodammodo consensisse, quod non pos-

est id mutare quod Leo fecerat Romæ, quando Carolum Imperatorem appellauit.

IX. Neque verò de Electoribus Imperij minor est apud Illyricum quam de ipsa Imperij translatione dissensio. Nam in libro de translatione Imperij, cap. 5. pag. 89. habétur hæc verba: Hic quoque, ut vbiique alibi, Pontificiorum parasitarum mendacia grassantur. dicunt enim quod imperante Othono III. Gregorius V. Germanus malè à Romanis tractatus, sua- que sede pulsus, decretū tulerit, quod septem Germani Prin- cipes, loco Romani Populi Senatusque, Imperatores in per- petuam posteritatem eligere deberent. quod eorum figmen- tum mox evidenter, Deo dante, redarguemus.] At in historia Ecclesiastica, Cent. 10. cap. 10. col. 546. habentur hæc alia eius- dem Illyrici verba, quæ pugnant nec ne cum præcedentibus, vel ipse Illyricus iudex esto: Gregorius vndeclimo sui exilij mense, pristinæ dignitati per Imperatorem restitutus, suam patriam insigni aliqua dignitate ornaturus, sanxit, ut penes solos Germanos eligédi Regem esset ius ac potestas, qui post diadema à Romano Ponifice acceptum, Imperator & Augu- stus appellaretur. Suntque Electores constituti, Mogútinus, Treuirenensis, & Coloniensis Archiepiscopi, Marchio Branden- burgensis, Comes Palatinus Rheni, Saxoniæ Dux, & Rex Bo- hemiæ, qui paribus suffragiis Electorum existentibus, litem inter eos dirimat.] Ne autem liber de translatione Imperij solum cum aliis eiusdem Illyrici libris, & non etiam ipse secum pugnare videatur, annotemus adhuc vnam vel alteram contradictionem.

X. In ipso igitur libro de translatione Imperij cap. 1. pag. 50. sic Illyricus loquitur: *Dei solius est iste titulus: Mea sunt omnia; ego do ea cui volo; ego transfero regna, ac monarchias de gente in gentem pro meo arbitrio. Horrenda ergo blasphemia est, quod Antichristus, sicut in aliis omnibus se Deo exæqua- uit, smo & supra eum extulit, ita in hoc quoq; gloriatur; sumne esse transferre Imperia ac Regna ad quemcunque velit; seq̄ transfulisse Imperium à Gracis ad Francos, & porro à Fran- co ad Germanos.] Hæc ibi. At infra cap. 2. pag. 21. non vult solius Dei esse transferre imperia, sed etiam hominum. Si- quidem docet non semel translatum fuisse Imperium à Gracis ad Germanos: *Romani, inquit, aut potius Con- stantino-**

stantinopolitani Imperatores s̄p̄us ius Occidentali Imperii Germanis tradiderunt.] Et mox pag. 22. Prima igitur inquit, translationis facta est sub Leone Beſſicano, Conſtantinopoli-ano Imperatore, circa annum CCCC. LX. in Othaciam Odoacrem.] Et inſtrā ponit ſecundam translationem hanc à Zenone Imperatore in Theodoricum; tertiam ab Iuſtino in Clodoueum; & quartam ab Irene in Carolum. Sēcū horrenda blaſphemia eſt, quōd Papa afferat, ſe trāſtulit Imperium in Germanos, quia rtransferre imperia ſoli Deo conuenit; quomodo non eſt horrenda blaſphemia, quod illi-cus afferit, à Leone Beſſicano, vel eius militibus, transnum Imperium in Odoacrem, à Zenone in Theodoricum, à Anas-tasio in Clodoueum, ab Irene in Carolum?

XI. *Et ſi Antichristus eſt, & Deo ſe exæquat, vel hoc ipsum extollit, qui audet regna transferre, quod ſoli Deo di-ſtinctum; certè Antichrifi fuerunt Leonis milites, nec non Zeno, Anas-tasio, & Irene Imperatores, qui re ipſa (v. Illyri-cus dicit) imperium tranſtulerunt, ac Dei potestas vſurparunt. Papa verò non modò non eſt Antichrifuſtus, ſed tiam Antichrifo omnino contrarius, cùm non ſolum Imperium non tranſtulerit, nec Deo ſe æquauerit, ſed etiam v. Illyricus ſcribit pag. 12. ſe ut ſeruum ac mancipium Imperatori ſubiecerit. nonne igitur Illyricus manifeste fecit pugnat, cùm paſſim in hoc ſuo libro Papam Antichrifuvo- cat, & quidem extollentem ſe ſupra ipsum Deum; & tam in eodem libro tam humilem facit eundem Papam, v. le ſu-cipium & iuratum ſeruum Imperatoris eſſe fateatur?*

XII. *Rutſum in eodem libro cap. 1. pag. 12. Ipsiā, inquit Illy-ricus, vox translationis eos euidentiſſime mēdaci redargit, nam ſi tranſtulerunt Papa Imperium à Gracis ad Frans, ſe-quitur Gracos eſſe plane priuatos Imperialis dignitate.] Hoc ibi. Sed paulo pōſt pag. 22. & ſequentibus numerat Illyricus quatuor translationes factas à Gracis ad Germanos, man-teniſt ominus etiam Gracis Imperiali dignitate: qui ride-licet nō totum Imperium, ſed altera pars dumtaxat, que Oc-identale Imperium dicitur, tranſlatum fuit. Aut igitur ipſa vox translationis Illyricum arguit euidentiſſimē mendaci-um ait pag. 22. tranſlatum Imperium à Gracis in Germa-nos à militibus, Zenone, Anas-tasio, & Irene; aut fallit ei q ſcripsit*

scripsit pag. 12. nam utrumque simul nulla ratione defendi potest.

XII. Sed insignis contradic̄tio, & contumeliosa in Romanum Imperium habetur ad finem epistolæ dedicatoriæ: ubi sic Illyricus de se ipse loquitur, Testor, inquit, me ab omnibus sectis, erroribus quæ à Romano Imperio, & Augustana Confessione damnatis abhorrire.] hæc enim verba manifestam implicant contradictionem, nisi Romanum Imperium Augustanæ Confessionis patronum, vel sectatorem Illyricus faciat quod certè facere non poterit, nisi cum manifesta ratione pugnare velit: constat enim Confessioni Augustanæ solum ex Roman. Imperio adhæsse ac scripsisse Electorem vnu, Principes sex, & ciuitates liberas duas: eandem vero Confessionem in eodem Augustano conuentu publicè reprobatam ac damnatam ab ipso Romanorum Imperatore Carolo eius nominis V. ab electoribus quinque, à Principibus Imperij partim Ecclesiastis, partim secularibus septem supra centum, ac demum à liberis Imperialibus Ciuitatibus nouem, & tringita. tot enim fuisse Catholicos Principes, & Status Imperij, qui in damnationē Confessionis subscripserunt, & subscriptionem sigillis suis munierunt; testis est Iohannes Cochlaeus, qui in eo conuentu præsens interfuit, in actis Lutheri anni M.D.XXX. & M.D.XXXI. Cùm igitur Romanus Imperator cum longè maiore parte Principum, & Statuum Imperialium Augustanam Confessionem damnauerit, meritò ea ab Imperio Romano damnata existimanda est. nam si Imperator, ut caput Imperij, Imperium vniuersum repræsentat; quanto magis & certius conuentus Principum & Statuum fermè omnium vna cum ipso Cæsare Imperium vniuersum repræsentabit? Quocirca meritò Philippus Melanchthon in epist. ad Iohānum Obernurgeum ita scribit: Non delector recordatione Comitorum Augustanorum, in quibus tristi ac atroci sententia damnati sumus. Eligat iam Illyricus utrum vulnerit: aut sequitur Imperij Romani sententiam, & mentitur cùm ait, se adhærere confessioni Augustanæ: aut sequitur confessionem Augustanam, & mentitur cùm ait, se abhorrire ab erroribus ab Imperio Romano damnatis. utrumque certè simul verum esse nullo modo potest.

tit

CAPUT